

聚學軒叢書



安徽金石略卷三

聚學軒叢書第二集

涇縣趙紹祖輯

貴池劉世珩校刊

寧國府

漢銅量唐銅鐘

無年月 佚

宋涇樵人於古井中得銅量識者謂漢時所鑄納之府庫夜有光如火移置宣城元妙觀光乃息又有銅鐘泝流而上道流得之鐘上有銘乃唐天寶溧水香林觀物也其音特異後雷擊壞

寧國府志

田學文爨

無年月

在涇縣

存

爨高三寸四分口徑四寸三分重二觔十二兩容一升有半腹有三文曰田學文或卽鑄爨者之姓名也

腹下銘四行凡二十字其十六全用鄒子鐘銘而首
四字不可復辨但知其爲重文爾銘用陽識固非三
代之器而結秀瑩澈殆千年以上之物按考古圖有
小子師簋其小子二字連而爲字其文正與此同呂
大臨曰小子師或官名今以此彙証之則田小子文
殊不成語竊疑呂說之未必然也彙今在涇縣歲貢
生吳鳴球家

金石文鈔

蝌蚪文半段碑

無年月

在太平

殘闕

在太平縣三峯庵下橫眠山腰今尙可搨模糊漫漶
僅存股腳而已

寧國府志

吳涇縣湖山刻字

赤烏二年

在涇縣

未見

涇舊志云湖山石壁高三百六十餘丈上刻赤烏二年水至此七字至今存按宋五行志赤烏十三年八月丹陽句容故鄣寧國諸山崩鴻水溢未嘗紀二年大水舊志修於乾隆二十年云至今存余嘗訪之山下居人曰往樵採者率云未見

涇川金石記

吳安吳城碑殘字

赤烏三年

在涇縣

未見

涇舊志安吳城在大藍山東晉書太康二年置水經注太康元年分宛陵置宋書吳置乾隆三年其故址掘得一碑字多摩滅而赤烏三年字猶可辨當是吳置核安吳非晉置不待言卽赤烏爲吳大帝建元而程普傳已有平定宣城安吳等語當是漢末所置耳

余嘗至山下訪此碑不可得

涇川金石記

晉小楷遺教經

永和十二年

在涇縣存

相傳得之水中今在平園民家嘗取而觀之似彙帖中所刻者不知何本也始余著此記時有以搨本來者缺其首尾故以爲不全今涇新志因余言而誤及志成友人左春谷名暄過平園搨以來後有永和十二年六月廿一日王羲之書字又後附書法三昧一段亦有永和四年十月十三日王羲之書字因詳識之涇川金石記

南齊疊嶂樓詩刻

無年月

謝朓撰

在宣城

佚

題疊嶂樓詩南齊謝朓

輿地紀勝碑目

唐魯府君廟碑

無年月

在宣城

未見

在宣城縣南六十里廟有斷碑載武德六年知巖以

宣城降

輿地紀勝碑目

唐戴國公左難當墓碑

無年月

在太平縣

未見

唐左難當墓碑與石獸俱存

天下金石志

戴國公左難當墓在龍門鄉松子嶺唐初龍門鄉屬

涇後析分太平邑今石碑石獸猶存

涇縣志

唐石中丞廟斷碑

無年月

在宣城

佚

廟在宣城子城南石中丞仲覽宣州人

輿地紀勝碑目

唐宣州東門頌

開元十一年

在宣城

佚

張敬元書開元十一年

金石略、墨池編

唐開元摩崖詩碑

無年月

在涇縣

佚

涇舊志載宋志蔣子奇摩崖詩序略云予遊涇川過
琴溪浮舟釣臺道旁見石崖蒼蒼上摩穹昊意其下
必有壞觀焉既還自水西涇令陳中裕餞予巖壠寺
尉劉公曼云向所觀石崖古刻尙在唐元宗開元甲
子河間邢巨沛國武平一嘗游是溪題絕句其下又
刻一長篇尤雅淡有清思姓氏湮沒其序云二十二
年冬予自柱史謫掾宣城明年九月連率班公闕下讀
其詩有云忽覩邢武辭聆其金石備以詩序攷之蓋
是人也後邢武一紀而來疑其卽杜偉也余按杜偉
以開元間謫任宣州司戶而蔣穎叔又先得杜偉所

作周公亭記故云云今全唐詩中錄此二語於殘句中其人卽杜偉而不載其全篇或卽從涇志采出也
涇川金石記

唐開元寺大殿記 無年月 在宣城 佚

唐孟拱辰開元寺大殿記 輿地紀勝碑目

唐東禪院法華經記 無年月 在宣城 佚

唐孟拱辰東禪院法華經記 輿地紀勝碑目

唐多寶佛塔記 無年月 在宣城 佚

唐孟拱辰多寶佛塔記 輿地紀勝碑目

唐周公亭記 無年月 杜偉撰 在涇縣 佚

涇舊志云蔣之奇琴溪釣臺詩序略曰釣臺傍山臨

溪上有古碑漫滅殘剝其上篆四字云周公亭頌其
餘皆八分云前殿中侍御史宣城郡司戶京兆杜偉
纂其詞有云蓋琴高乘鯉得仙之所也又有周公因
結宇焉數字余疑周公亭頌者是周公嘗作亭於釣
臺之上而杜偉爲之頌也偉稱前殿中侍御史者必
以謫來也據此記則碑卽在釣臺今碑在隔溪水旁
惟篆額四字尙存紹祖按舊志言篆額尙存嘗訪之
不可得

涇川金石記

唐涇縣斷碑

無年月 佚

顏真卿書未詳

金石略

按涇舊志不載此碑則其亡已久

趙紹祖識

唐宣州殘碑

無年月 佚

唐顏魯公宣州殘碑

金石錄目

唐摩崖碑

天寶十四載

在涇縣

存

其文曰巍巍法宇聖德靈奇天仙作樂神人護持猗
與居士博大能治跡晦巖泉情存佛法挾黃鶴仙帶
白龍水清靜妙地靈寶至理唐天寶十四載癸巳四
月壬申朔二十八日己亥刻石

在涇縣石礪洪頭山可辨者七十餘字

寧國府志

唐李白題雲根二字

無年月

在宣城

佚

郡西一峰之巔有怪石如枯櫟李太白題雲根二字
於上舊志謂尚可摹然二樓記略佟太守求之已不

可得已

寧國府志

唐東峯亭詩序

永泰間

劉太真撰

在涇縣

佚

在涇縣西二里唐永泰中季廣琛將兵討石埭寇告

捷賦詩

太真爲之序今石刻存焉

輿地紀勝碑目

唐袁石

無年月

在涇縣

佚

涇之水西東峯亭有唐中丞袁修招討江淮與劉太
真賦詩刻石後裴丹至水西於荆棘中得斷碑色黧
狀方中有袁修二字因名袁石周紫芝詩云如何一
百八十載只有袁修字宛然

二樓紀略

此卽王象之輿地碑目所載東峯詩序也按蔣穎叔
跋云右涇令陳淳夫中裕以涇古石刻見寄其袁修

二字蓋大厯元年袁傖所書而南唐保大五年徐延祚所獲也是時知縣駕部郎中爲之詩其注云永泰中傖自御史中丞爲招討副元帥駐旆於東峯亭會石埭報捷與羣公賦詩紀之又於座上各賦一物東峯亭賦詩破賊在大厯元年五月而裴丹言七月非也吳光輔詩注云永泰初傖爲招討亦與太真詩序不合蓋裴丹吳光輔皆不見紀勝詩但以傳聞言之而今余獨得之以攷証焉惜其泯滅因爲鐫石以久其傳熙寧二年己酉秋八月朔晉陵蔣之奇跋細按跋意是穎叔曾得全碑而爲之重刻者則當時自有全刻流傳而象之亦曾見之故云刻石存耳

寧國府志

唐開元以來良吏記

大厯中 陳簡甫撰 佚 文載寧國府志

仁壽城

良吏記陳簡甫題開元良吏六人

輿地紀勝碑目

按記內所載良吏六人刺史裴耀卿刺史兼江南

西道採訪處置使班景倩竹承構裴惇復涇縣令

李孝爾司功參軍張邈大厯初兼御史中丞陳統

方鎮臨此欲紀前烈而命陳簡甫爲之記

趙紹祖識

唐梓府君神祠記

無年月 崔龜從撰 文載宣城縣志

在宣城

佚

按記言吳越之俗鬼民之有病不謁醫而禱神余懼

邑人聞余感夢之事而爲巫覡所張大悉記其事與

祝神之文刊之於石欲以權道化民云云然其所記

前後兩夢極荒怪幻惑適足以煽妖巫之焰而益吳

俗之迷較之西門豹之投巫不可同年語矣

寧國府志

按府志但言兩夢荒幻而不載其事遂以無攷其

本末亦非傳信傳疑之旨也

趙紹祖識

唐福田寺經藏記

大厯中

崔龜從撰

在宣城

佚

大厯中崔龜從福田寺經藏記

輿地紀勝碑目

按王象之云此碑大厯中則梓府君神祠記亦大

厯時也龜從舊書新書皆不言爲宣州何官遂無

得而証之

趙紹祖識

唐宣歙觀察使薛邕去思頌

無年月
城佚

崔巨撰

在宣

裴章分書在宣州

金石略

崔巨薛公去思頌

輿地紀勝碑目

按墨池編裴章作裴律未知孰是據宣城志薛公堰在城北一百一十里唐建中初觀察薛邕所築趙紹祖識

唐賀蘭夫人墓誌 貞元七年 陸贄撰并書 在宣城 佚

集古錄云唐陸贄撰并書以正元七年立 輿地紀勝 碑目

按歐公集古錄明云此石在常州不知輿地紀勝碑目何以載入宣州常宣二字字形相近未知孰

誤姑從碑目錄之 趙紹祖識

唐宣州響山新亭新營記 元和三年 權德輿撰 在宣城 佚 文載權載之集

記略云元和二年冬十月宣城師中執法襄陽郡王路公作新亭新營凡周月而厥功成書時且便於人

故也公因暇日觀視原野直南一里所得響山焉兩崖聳峙乃量日力計徒庸闢於舛中成斯夷道揭東西二字於雙峰之上相距二百步因其爽塏乃列營署三年夏五月記

此權德輿爲宣歙觀察使路應作也韓文公爲應作墓碑所謂作響山亭營軍於左右權丞相善之鑣其說響山石者是也應爲路嗣恭嫡子新舊唐書及墓碑皆作應而廬州府志獨作應求不知何緣而誤

趙紹祖識

唐處士施照墓誌銘

元和四年華鵬撰馬平縣巡檢趙杞家

在涇縣廣西存

嘉慶四年五月余從弟杞治圃掘土築墻見石而取

之兩石相麗碎其上石而碑見稍後見古壙遂掩之
銘石如粉糜出土時爲無知者以手按視遂多模糊
然尙可讀書碑及刻石者之名闕焉銘曰瘞此南坡
知今之城在唐城之南也又曰日月其逝恐易山河
雖銘辭套語然慮此遠矣金石續鈔

按此文今刻全唐文中涇在唐爲僻邑時未有以
文名者而此銘應時出土余刻之金石續鈔遂得
獨入不可謂非施處士之幸也趙紹祖識

唐南陵大農陂記

無年月
文載寧國府志

韋瓘撰

在南陵

佚

韋瓘南陵修大農陂記

輿地紀勝碑目

記略云寧國令順陽范君假南陵印縣有廢陂曰大